

HENRICVS SYBOLD ARTIS MEDI
CAE PROFESSOR, LECTO
RI SALVTEM.

PRISCORVM AETAS REI MEDI
cae olim studiosissima, Lector optime, cum
rerum naturas non sine admiratione crebra
indagine scrutaretur, eã imprimis Medicinẽ par
tem excoluit, atq; in ea summo studio occupata
fuit, quæ circa Naturam simplicium uersatur.
Nullum (ut aiunt) non mouens lapidem, in natu
ra & proprietate simplicium inquirenda, quo po
steritati pro uirili sua cõmodaret. Nimirum acu
te intelligens, notitiam simplicium, uel præcipua
am partem esse Medicæ professionis. Siquidem
horum uirtus tam latissime patet, tam efficaces
sunt horum uires, ut quidã in ea sententia fuerint,
singulos morbos, qui modo curam recipiant, sin
gulis simplicibus, egritudini apte adhibitis, recte
curari. Ut autem Medicæ artis caput est, medelã
cõmode ministrare & applicare egroto corpori,
Ita haud dubie primus gradus est, cupientibus in
gredi Medicæ disciplinæ sacrariũ, si uoces simpli
ciũ, horumq; occultas & peculiare proprietates,
exacte teneant. Proinde quos hæc studia iuuant,
ut neminem non oblectare possunt, cui cordi est
recta ualetudo, hĩ in agnoscendis simplicium na

curis primum se fulciant, ac dein simplicissimam
illam (ut ita dicam) medendi rationem, dextro
apolline tentent. Quo fiet, ut confusaneas illas re
rum mixturas & cocturas, uel euitare, uel modes
tius adhibere, aut ubi morbi qualitas tulerit, cū
iudicio attemperare ualeant. Cum autem Geor
gius ille Valla, omnium honestarum disciplinarū
uallum munitissimū, in hac parte Medicinæ, quæ
simplicium naturas discutit, primam laudem me
ruerit, orationis munditie, ordine, rerum propriis
etate reddenda, nemine posterior, Nos ex illius
plane exquisitis uoluminibus, selegimus librum,
cui titulum fecit, de Natura simplicium. Non tam
ut prelum nostrum, temporum infœlicitate otio
sum & squalidum, pro publico studiorum cōmo
do, ad intermissum opus reuocaremus, sed etiam,
ut hoc libello ueluti exporrecto quodam signo,
ad sacrosanctam Medicinæ professionem excitare
mus studiosos. Sed quid te moror amice Lector?

Nihil hic necesse, aut operi, aut operis auctori
patrocinari, cum solidis præsidijs ita cir
cumuallatus sit Valla, ut alieno pa
trocinio nō egeat. Tu opera
nostra utere, fruere libel
lo, & bene uale.

